

NORÜ TAXRE GA POPERA GA

TECHARÓNICAWA YEXMAGÜXÜ GA

YAXÖGÜXÜTANÜWA NAMUXÜ GA PAURU

**Pauru rü nüxü narümoxe ga yema
yaxögüxü ga Techarónicawa yexmagüxü**

1 ¹Pa Techarónicawa Ngëxmagüxü i Toeneëgü i Yaxögüxü i Tanatü ya Tupana rü törü Cori ya Ngechuchu ya Cristuarü Duüxügü Ixügüxü, choma i Pauru rü namaã i taeneë i Chiribánu rü Timutéu nixi i pexçax tanaxümatüxü i ñaã popera. ²Rü tanaxwaxe i Tanatü ya Tupana rü törü Cori ya Ngechuchu ya Cristu pexü narüngüxëë rü pexü nataãëxëë.

**Ngëma chixexü ügüxü rü Tupana tá
nanapoxcue i ngëxguma wenaxärü núma
naxüxgu ya Cristu**

³Pa Toeneëgüx, rü guxüguma pexçax Tupanana moxë taxã, erü name nixi na ngëmaäcü tanaxüxü. Erü guxüguma yexeraäcü peyaxögüetanü rü yexeraäcü pegü pingechaügiëtanü. ⁴Rü ngëmacax tomatama taãëäcüma pechigaxü tixu natanüwachigü i ngëma duüxügü i Tupanaäxü yaxögüxü. Rü namaã nüxü tixu

na ñuxäcü meã peyaxögüxü, rü ñuxäcü namaã peporaexü i guxüma i ngëma guxchaxügü rü ngúxügü i pexü ngupetüxü.

⁵Rü ngëma guxchaxügü i pexü ngupetüxüwa nüxü tachuax na aixcümacü yüxü ya Tupana, erü pexü nangugü na aixcüma pimexü na pichocuxüçax i ngextá nüma ãëxgacü íyüxüwa. Rü ngëma na pichocuxüçax nixi i ngúxü pingegüxü i ñuxmax. ⁶Rü aixcüma name nixi na Tupana napoxcuxü i ngëma duüxügü i ngúxü pexü ingegüxëëxü. ⁷Natürü i pema i ñuxma ngúxü ingegüxe rü name nixi i wüxigu tomaã pexü inarüngüëxëë ya Tupana. Rü ngëma rü tá nanaxü ya Tupana i ngëxguma üxiëmagu daxüwa ne naxüxgu ya törü Cori ya Ngechuchu ya Cristu wüxigu namaã i norü orearü ngerüügü i poraexü. ⁸Rü aixcüma núma tá naxü i nüma ya törü Cori ya Ngechuchu na napoxcueäxüçax i ngëma duüxügü i tama Tupanaxü cuächaxügüxü rü tama naga ñnüëxü i ngëma ore i mexü i törü Cori ya Ngechuchu ya Cristuchiga. ⁹Rü ngëma duüxügü rü wüxi i poxcu i taguma gúxügu

tá napoxcue erü tórü Cori ya Ngechucharü yaxüwa tá nawogü. Rü ngéma rü tagutáma nüxü nadaugü na ñuxácü namexêchixü rü naporaxü ya tórü Cori ya Ngechuchu. ¹⁰Rü ngémaäcü tá ngéma duüxügümaã nangupetü i ngêxguma tórü Cori ya Ngechuchu núma üxgu. Rü núma tá nangu na nóru duüxügü nüxü icuaxüügüxüçax, rü tá nañaxächiaëgü rü nataaëgü erü tá nüxü nadaugü na ñuxácü namexêchixü i nümax. Rü pema rü tá ta wüxigu namaã pengêxmagü, yerü peyaxögü ga yema Tupanaärü ore ga pemaã nüxü tixuxü. ¹¹Rü ngêmacax guxüguma pexçax tayumüxëgü. Rü Tupanana taca na nüma pexü nadauxü na aixcüma mexü i norü duüxügü pixigüxü i ñuxma na pexü yadexechixü. Rü ngêxgumarüü ta nüxna taca na nümatama norü poramaã yanguxêëxüçax i guxüma i ngéma mexü i peãëwa nagu perüxñüëxü rü guxüma i ngéma puracügü i mexü i perü ógagu pexüxü. ¹²Rü ngêxguma Tupana ngémaäcü pexü rüngüxëëgu, rü perü maxü i mexügagu rü guxüma i duüxügü tá nüxü nicuaxüügü ya tórü Cori ya Ngechuchu ya Cristu. Rü nümatama ya tórü Cori rü tá pemaã nataaë erü nüma rü wüxigu Tanatü ya Tupanamaã pexü nangechaügü.

Paurü rü nanangoxëë i ñuxácü tá na yïixü i ngêxguma ínanguxgu ya Cori ya Ngechuchu

2 ¹⁻²Rü ñuxma Pa Chaueneëgüx, rü pemaã nüxü chixuxchaü i nachiga na ñuxácü tá na yïixü i ngêxguma tórü Cori ya Ngechuchu ya Cristu wena núma üxgu rü tüxü nangutaquexexëëgügu na wüxiwa

namaã ingêxmagüxüçax. Rü pexü tacaaxügü na tama ngürüächi togumare perüxñüëxü rü paxa peyaxögüxü i tacü rü ore i tama toma pemaã nüxü tixuxü. Erü tama tanaxwaxe na peñaxächiaëgüxü ega texé pemaã idoraegu rü pemaã nüxü ixuxgu na marü ínanguxü ya tórü Cori ya Ngechuchu. Rü ngêxguma texé pemaã nüxü ixuxgu na nagu taxãnegüxü na Cristu rü marü ínanguxü, rü tama name i tümaga pexñüë. Rü woo pemaã nüxü tixugügügu na tanayauxgüxü i wüxi i torü popera i nüxü ixuxü na marü ínanguxü ya tórü Cori ya Ngechuchu, írü täütáma tüxü peyaxögü! ³ÍRü täütáma naga pexñüë i ngéma duüxügü i ngémaäcü pexü womüxëëgüchaüxü! Erü naxüpa na Ngechuchu núma üxü rü tá ínangu i ngéma yatü i Tupanaärü uwanü ixixü, rü tá nananuëxëë i muxüma i duüxügü i yaxögüchiréxü. Natürü ngéma yatü rü Tupana marü namaã nanaxuegu rü tá napoxcu. ⁴Rü ngéma Tupanaärü uwanü rü tá Tupanamaã rü guxüma i ngéma Tupanaärü ixixümaã narüxuwaniü. Rü tá naxchi naxai i guxüma i tacü i mexü i duüxügü Tupanaxü namaã icuaxüügüxü. Rü Tupanaärü tupauca ya taxünewa tá nayarüto ñoma Tupana yïixüüü. Rü tá nügü nixu na Tupana yïixü. ⁵¿Tama exna nüxna pecuaxächie rü yexguma petanüwa chayexmagu rü marü meãma pemaã nüxü chixu nachiga ga yema? ⁶Rü pema marü nüxü pecuax na tüxciü yïixü i tauta núma naxüxü i ngéma Tupanaärü uwanü. Tauta núma naxü, erü tauta nawa nangu i ngunexü na ínanguxü. ⁷Rü ngéma chixexü i

Tupanaārū uwanū ūxū, rū marū cúācū inaxūgū. Natūrū nūmatama i Tupanaārū uwanū rū tāūtāma nangox űuxmatāta ngēma norū chogūruū nūxū ingé. ⁸Rū ngēxguma tá nixī i fnanguxū i ngēma Tupanaārū uwanū. Natūrū nūma ya tōrū Cori ya Ngechuchu rū wūxi i “cue” űaxūmaā tá nayamaḡ. Rū ngēxguma fnanguxgu ya tōrū Cori ya Ngechuchu rū ngēma norū yauxracūūxūmaā tá inayanaxoxē i ngēma norū uwanū. ⁹Rū ngēma Tupanaārū uwanū, rū ngēxguma fnanguxgu rū tá nūxū nangēxma i Chatanāārū pora rū ngēmacḡ tá naporaxūchī. Rū tá nanaxū i nagūxūraūxū i cuaxruūgū i Chatanāārū poramaā naxūxū. ¹⁰Rū nagūxūraūxū i chixexū tá naxū na nawomūxēēāxūcḡ i ngēma duūxūgū i Tupana tá poxcuexū. Rū ngēmaācū tá nūxū naxūpetū i ngēma duūxūgū, erū tama nanayauxgūchaū rū tama nūxū nangechaū i ngēma Tupanaārū ore i aixcūma ixīxū i tūxū maxēxēxū. ¹¹Rū ngēmacḡ ya Tupana rū nanangexrū i ngēma duūxūgū na poraācū ínatiexūcḡ rū yaxōgūāxūcḡ i ngēma ore i doramare ixīxū. ¹²Rū ngēmacḡ dūxwa Tupana tá namaā nanaxuegu na napoxcuexū i guxūma i nūmagū i tama yaxōgūchaūxū i ore i aixcūma ixīxū rū namaā taāēgūxū i ngēma chixexū na naxūgūxū.

Tupana tūxū nidexechi na tūxū nangēxmaxūcḡ i maxū i taguma gūxū

¹³Natūrū, Pa Chaueneēgūx i Tōrū Cori ya Ngechuchu Pexū Ngechaūgūxex, rū guxūguma Tupanana moxē pexcḡ taxā yerū nūma ga Tupana rū noxritama naāne ixūgūgumama pexū nidexechi na

pexira penayauxgūxūcḡ i maxū i taguma gūxū ga yexguma pexū nangūxēēgu ga Naāē i pexū ūūnexēēxū rū peyaxōgūgu ga yema ore i aixcūma ixīxū. ¹⁴Rū yemacḡ Tupana pexcḡ naca ga yexguma pemaā nūxū tixuxgu ga norū ore i mexū i tūxū maxēxēxū. Erū nūma nanaxwaxe na pexū nangēxmaxūcḡ i pechica i tōrū Cori ya Ngechuchu ya Cristuxūtawa i ngextā ínamexēchixūwa. ¹⁵Rū ngēmacḡ, Pa Chaueneēgūx, rū chanaxwaxe i meā peyaxōgūama rū tama nūxū ipeyarūngūmaē ga yema ore ga tomatama pexū tangūxēēxū rū yema ore ga poperagu pexcḡ taxūmatūxū. ¹⁶⁻¹⁷Rū chanaxwaxe i tōrū Cori ya Ngechuchu ya Cristu rū Tanatū ya Tupana pexū nataāēxēēgū rū pexū narūngūxēē na guxūguma mexū i oremaā pidexagūxūcḡ rū mexū pexūgūxūcḡ. Rū yima Tanatū ya Tupana nixī ya tamaā namecūmaācūma tūxū ngechaūcū rū guxūguma tūxū taāēxēēcū rū tamaā ixunetacū na wūxi i ngunexū tá naxūtawa ingēxmagūxū.

Pauru naxcḡ ínaca na naxcḡ nayumūxēgūxū

3 ¹Rū űuxma Pa Chaueneēgūx, rū chanaxwaxe na toxcḡ peyumūxēgūxū na paxa guxūwama nangūxūcḡ i tōrū Cori ya Ngechuchuari ore i mexū, rū duūxūgū norū ngūchaūmaā na nayauxgūxūcḡ ga yema pema na penayauxgūxūrū. ²iRū toxcḡ peyumūxēgū ta na tama ḡacū rū chixexū tomaā naxūgūxūcḡ i ngēma duūxūgū i chixexūgū! Erū tama guxūma i duūxūgū nayaxōgū. ³Natūrū tōrū Cori

ya Ngechuchu rü aixcūma nayanguxēē i ngēma tamaā inaxunetaxū. Rü nüma tá pexū naporaexēē rü pexna nadau na tama chixexūgu peyixūcax. ⁴Rü tórü Cori ya Ngechuchu toxū nüxū nacuxāxēē na aixcūma penaxūxū i ngēma pexū tamuxū rü tagutāma nüxū perūxoexū na ngēmaācū penaxūxū. ⁵Rü tanaxwaxe i tórü Cori ya Ngechuchu pexū narüngūxēē na aixcūma pegū pengechaūgūxūcax, ngēma Tupana tūxū ngechaūxūrtū. Rü naxcax ítaca na pexū naporaexēēxūcax na Cristurū namaā peporaexūcax i ngēma ngúxūgū i ngēxguma pexcax ínanguxgu.

Name nixī na ipuracūexū i wūxichigū

⁶Pa Chaueneēgūx, tórü Cori ya Ngechuchu ya Cristuégagu pexū tamu na tama namaā pixāmūcūgūxūcax i tacū i taeneē i tama puracūchaūxū rü tama ngēma pexū tangúexēēācūma maxūxū. ⁷Erū pema rü marū nüxū pecuax na ñuxācū tá pemaxēxū na toxrū penaxūxūcax. Yerū toma ga yexguma petanūwa tayexmagūgu rü torū ōnacax tapuracūe, rü tama yexma tarūchomare. ⁸Rü toma rü taguma texearū ōna ngetanūācūma tangōx. Natürü ngunecū rü chūtacū rü torū ōnacax tapuracūe na tama wūxi ga guxchaxū pexū tixīgūxūcax. ⁹Rü woohirēx Tupanapexewa rü name nixī ga perū ngūxēēcax na ítacaxū, natürü tama yemaācū tanaxū. Rü torū ōnacax tapuracūe yerū pexū nüxū tadauxēēchaū na ñuxācū meā imaxūxū. ¹⁰Yerū yexguma petanūwa tayexmagūgu, rü pemaā nüxū tixu rü yíxema tama puracūchaūxē, rü

noxtacūma ngexrūma nixī na tachibūxū. ¹¹Rü pexcax tanaxūmatū i ngēmachiga, erū marū nüxū taxīnūē na petanūwa nangēxmaxū i ñuxre i duūxūgū i oexū rü tama puracūechaūxū rü toguechigagumare rüxīnūēxū. ¹²Rü tórü Cori ya Ngechuchu ya Cristuégagu tanamu na meāmare ínapuracūexūcax i ngēma duūxūgū na nūmatama norū ōnacax nataxegūxūcax. ¹³Pa Chaueneēgūx, itama nüxū perūchau na mexū pexūexū! ¹⁴Rü ngēxguma texé tama naga ínūgu i ñaā ore i poperawa pemaā nüxū tixuxū írū marū tūxū pecuax na texé tīxū! Rü tama name i tūmamaā pexāmūcū na taxānexūcax i tūmax. ¹⁵¡Natürü tāūtāma namaā perūxuwani! Rü name nixī i ñoma peeneēxū pexucuxēxūācūma meā tūxū pexucuxēmare.

Pauru rü naxcax ínaca na Cori ya Ngechuchu nüxū rüngūxēēxū ga yema yaxōgūxū

¹⁶Rü chanaxwaxe i nūmatama ya tórü Cori ya tūxū meāxēēcū pexū narüngūxēē na guxūguma i guxūwama pemeāēmareechaxūcax. Rü chanaxwaxe na nüma rü petanūwa na nangēxmaxū i guxāma i pemax. ¹⁷Choma i Pauru rü choxmēxmaātama pexcax chanaxūmatū i ñaā chorū moxē. Rü ngēmaācū nixī i chaugū nagu chawüégaxū i guxūma i chorū popera. Rü ngēmaācū nixī i chanaxūmatūxū. ¹⁸Rü chanaxwaxe i tórü Cori ya Ngechuchu ya Cristu poraācū pexū narüngūxēē i guxāma i pemax.

*Rü nuāma pexna,
Pauru*